

ISLAM I MUSLIMANI U BELGIJI

Belgija je jedna od kraljevina na sjeveru Europe površine od 30.513 km² sa nešto više od deset milijuna stanovnika. U zemlji živi oko 55% Flamanaca, njemačkog plemena koje je u petom stoljeću okupiralo Belgiju i govore holandski jezik. Drugi belgijski narod Valonci kojih je oko 30% govore francuski jezik, porijeklom su od starog plemena Senta.

U Belgiji danas živi oko tristo tisuća muslimana, a prema tvrdnjama odgovornih u Islamskom kulturnom centru u Briselu. Muslimani su u velikoj većini useljenici iz islamskih zemalja, iz Maroka, Turske i Albanije, ali ima ih i drugih nacionalnosti i etničkih grupa. Islamski kulturni centar u Briselu spada u red najaktivnijih islamskih centara u zapadnoj Europi. Osnovan je davne 1936. godine u jednom malom iznajmljenom objektu. Godine 1967. tadašnji belgijski kralj Buduan Prvi poklonio je saudijskom kralju Fejsalu dio zgrade Muzeja starina u Briselu koji se nalazi u najljepšem dijelu glavnog grada, svega nekoliko desetina metara od sjedišta Europske Unije u koji je smješten mesdžid i islamski centar. Slijedeće 1968. godine Belgija je službeno priznala vjeru islam, čime je postala treća europska zemlja koja je priznala našu uzvišenu vjeru. Godine 1975. belgijska je vlada uvela u osnovne i srednje škole islamski vjeronauk za muslimansku djecu. Islamskom kulturnom centru je povjeren zadatak da osmisli i organizira sate vjeronauka u školama. Tri godine poslije, 1978, saudijski kralj Halid otvorio je Islamski kulturni centar, a Rabita ga preuzela na održavanje i organizaciju rada u njemu.

Godine 1983. u Islamskom kulturnom centru otvorena je prva srednja islamska škola (medresa), a 1986. u zračnoj luci u Briselu otvoren je prvi mesdžid u Europi koga je opsluživao Islamski kulturni centar. Prvi muslimani su došli u Belgiju odmah poslije Drugog svjetskog rata. Bili su to Albanci, a zatim Bošnjaci i Turci, a nakon njih Marokanci, koji su danas najbrojniji u ovoj zemlji. Od ukupnog broja muslima oko 100.000 su Marokanci, 50.000 Albanci i Bošnjaci, 90.000 Turaka i oko 110.000 Tunizana i Alžiraca.

Iz Belgije godišnje odlazi na hadž oko dvije tisuće muslimana i muslimanki.

Belgija je poznata u zapadnoj Europi i po tomu što u njoj na islam godišnje pređe najveći broj Belgijanaca, njih oko 400.

U posljednje vrijeme u belgijskim zatvorima zabilježeno je kršenje vjerskih prava osuđenih muslimana. Nije rijedak slučaj da ih se sili na nevjerstvo i pokršćavanje.

Islamski savjet u Belgiji poznat je po oštrim kritikama islamskog svijeta koji dovoljno ne shvaćaju odgovornost prema islamu. Naročito su oštre kritike odnosa islamskih zemalja prema Palestini i Palestincima.

Sve do rujna 2001. godine, muslimani su kao i sve ostale vjerske i nacionalne manjine u Belgiji uživale dosta velike slobode i prava. Nakon

rujna 2001. nastaju veliki problemi za muslimane a posebno za Arape na koje se gleda s velikom sumnjom i pod stalnom su prismotrom belgijskih obavještajnih službi i policije. Američke i izraelske obavještajne službe šire propagandu da su muslimani iza svih terorističkih akcija. Zapadnoeuropske zemlje pod utjecajem tih pritisaka pojačavaju policijsku i svaku drugu kontrolu nad muslimanima. Sredstva islamskih zajednica se zaleđuju, a ko im se ne zna porijeklo i oduzimaju. Skoro svaka humanitarna muslimanska organizacija smatra se potencijalnom terorističkom. Zabranjuje se slanje novca u islamske zemlje. U Belgiji se dogodilo da su mnogi muslimani otpušteni s posla pod izgovorom da su fundamentalisti ili potencijalni teroristi. Poslodavci koji primijete muslimansko ime odbijaju zapošljavati radnike. Danas muslimanska zajednica u Belgiji smatra se najsiromašnijom manjinskom skupinom. Samo oko stotinjak mesdžida je u Belgiji priznato od strane Vlade, dok su ostali prepušteni muslimanima na izdržavanje. S druge strane svi vjeroučitelji koje je postavio Islamski kulturni centar na proračunu su ministarstva obrazovanja.



Islamskim kulturni centar u Briselu izgrađen je sredstvima koje je darovao saudijski kralj Fejsal, a otvorio ga je kralj Halid 1978. godine. U centru se nalazi srednja vjerska škola Medresa. Centar se smatra jednim od najaktivnijih u Europi.



Džamija Yunuz Emre u Genku



Turski mesdžid u Cheratte u Flamaniji